



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

**Antonii Svcqv̄et E Societate Iesv Via Vitæ Æternæ**

**Sucquet, Antoine**

**Antverpiae, 1630**

Cap. 2. de imitatione Christi

[urn:nbn:de:hbz:466:1-54856](https://nbn-resolving.org/urn:nbn:de:hbz:466:1-54856)

& acquies preciosam margaritam, thesaurum, sapientiam, veram perfectionem.

CAPVT II.

Meditatio de Imitatione Christi Domini, in quo omnis perfectionis exemplar.

CHRISTVS. PUNCTVM I. Fili, vis venire post me? vis perfectus esse? audi igitur me, qui animam meam posui pro te? Qui vult venire post me, tollat crucem suam, & sequatur me; si quis enim venit post me, & non odit Patrem suum, & matrem suam, adhuc autem & animam suam, non potest, non potest meus esse discipulus. Considera quis te vocet, quem vocet, & quò quo item præmio. Spei, fidei & charitatis affectus excita.

LUC. 14.

PUNCTVM II. Exemplum dedi vobis, ut quemadmodum ego feci, ita & vos faciatis. Admirare & imitare.

PUNCTVM III. Qui mihi ministrat, me sequatur, & ubi ego sum, illic & minister meus erit. Credis hæc? & nonne per gratiam meam me sequi potes? cur igitur, non obedis voci meæ?

Eadem diducta.

HOMO. Effundo in conspectu tuo, Domine, orationem meam, & tribulationem meam ante te pronuntio; etenim ecce universus orbis in maligno positus, & in erroribus mille quasi deviis, & non est qui reducat nos in viam rectam, nisi tu, bone JESV, qui es via, veritas, & vita. Vias tuas, Domine, demonstra mihi, & semitas tuas edoce me. Omnis siquidem creatura decipula est, & laqueus pedibus insipientium! Et eheu! quot video, ô Bonitas, ô Pater misericordiarum, quot video perire abstractos & illectos ab ea! Quid faciam, Deus meus, inter tot hostes, & tot laqueos, quibus tegitur universus orbis? quid in tanta caligine, & tot jam coram

Præsentia Dei. Ps. 141. Mundus in errore.

Creatura decipula.

coram me præcipitiis? Quando, quando, sedenti in tenebris, & umbrâ mortis orieris mihi lux, & vita mea, ut sequar vestigia pedum tuorum?

*Christi sequela necessaria,*  
*Matth. 5.*  
*Deus descendit de caelo, ut sequeretur eum homo, tu recusas.*  
*Sap. 7.*  
*Galat. 2.*

IESVS. Ecce veni, veni, sequere me; Nõnne enim ego sum lux mundi? errare times, & rectam viam ad perfectionem quæris? Ecce ego sum via. Quid? an falli metuis, cum paupertatem præ opibus, crucem præ deliciis & honoribus offero? Atqui ego sum bonitas in te propensissima, & diffidis mihi qui te sic redemi? ego sum veritas: quid dubitas aut metuis, damna, pericula, mortẽ, nõnne sum tibi salus & vita & omnia? ego veni & venio ut vitam habeas, & abundantius habeas sanguine meo partam, & quidem sempiternam. Nõnne qui habitabam lucem inaccessibilem, ex invisibili factus sum visibilis, ut redemptus à me, non jam Patrem prævaricatorem in superbia, gula, &c. sequerere; sed me humillimum & patientissimum, & imitareris me, qui sum speculum sine macula, figura substantiæ Patris, in quo habitat omnis plenitudo divinitatis corporaliter, ut divinitas mea in humanitate vobis prælucceret, & actiones hujus ab illâ etiam fieri sciretis. Cur homo mortalis, passibilis, & similis vobis factus sum, & ut homo operatus, nisi ut te divinitatis meæ facerem participem, si humanitatis essem imitator? Si præscripsi medicinam, ipse prior hausi ut tu sequerere, & in singulis actionibus id mihi propositum fuit, ut nominatim tu imitareris, quod intelligebat Apostolus meus, dicens  
 Qui dilexit me, & tradidit semetipsum pro me.

HOMO. Id cupio, & in omni cogitatione, verbo, & actione te velut depingere, & opus meum tuo in omni etiam ætate conformare: sic enim video, soles Sanctos ad tuum exemplar similes facere, itaque in omni etiam ætate te imitari cupio, te præsentem quasi intueri. Benedictus sis in æternum, in æternum, in æternum, bone  
 IESV. Utinam, utinam cum Apostolo dicere possem  
 Nos autem non spiritum hujus mundi accepimus, sed  
 spiritum

*Christus in omni actione imitandus.*  
*Rom. 9.*

Spiritus, qui ex Deo est; quos enim Pater tuus elegit. etiam vocavit, ut sint conformes imagini filii sui, & dedit te præceptorem, & ducem gentibus. Itaque non opto aliquid scire nisi te **JESVM** crucifixum, ut sicut Apostoli speculati Deum in te revelatâ facie transformari sunt de fide in fidem; ita ego ad honorem tuum cresciam in te, & de claritate in claritatem transeam, & vivam in te. **S. Paulus**: Ideo apparuit gratia Dei Salvatoris nostri omnibus hominibus erudiens nos, ut abnegantes impietatem & sæcularia desideria, sobriè & justè & piè vivamus in hoc sæculo. Inspice ergo & fac secundum exemplar, quod ex infinitâ charitate tibi à Patre luminum monstratum est. Abjice opera tenebrarum, & indue arma lucis, immò induere Dominum **JESVM** Christum, ut possis comprehendere quæ sit longitudo, latitudo, sublimitas, & profundum; & scire supereminentem scientiæ charitatem Dei, aspiciens in omni horâ, & tempore auctorem fidei & consummatorem **JESVM**.

**HOMO**. Utinam mihi liceat, ô Beate Paule, tecum dicere: Vivo ego, jam non ego, vivit verò in me Christus! Utinam ô **B. Virgo**, quæ à Christi Nativitate in singulis actionibus divinitatis lucem in humanitate emicantem peculiariter es imitata, tanquam speculum nitidissimum Soli justitiæ oppositum, te sequi possim! Utinam tu Mater nostri amantissima, velut olim **Rebecca** Jacobum induit vestibus Primogeniti sui, sic tu me Christo **JESV**, & des ut oportet offerre æterno Patri corpus & sanguinem ipsius in cibum, quo libenter eum vesci nosti! Utinam, amantissime **Iesv**, cum vehementer cupias, me imitari te facias, ut in omni vitâ meâ portem imaginem tuam, meliùs quàm sindon illa, & sanctissimum **Veronicæ** linteum, aut ad **Abagarum** missum amoris tui monumentum: pone te signaculum super cor meum, & omnes actiones meas. In illo enim gloria tua, & charitatis tuæ pignus erga

Bbb

nos

*Isai. 53.**Tit. 2.**Exodi 25.**Rom. 13.**Ephes. 3.**B. V. & S. M.**Christi  
sunt  
imitati.**Genes. 27.*

nos est, si imaginem ad quam creati sumus, sic in nobis restituas, & tuam animæ nostræ imprimas, ô IESV pro me crucifixe, uti etiam corporaliter in electis tuis Francisco & Catharinâ Senensî declarasti.

CHRISTVS. Fili, uti te creavi ad imaginem ac similitudinem meam; ita te recreavi, redemi, ut similis mihi fieres; utque in creatione mundi ideam meam secutus sum sempiternam, ita in renovatione, & omnium etiam minimarum gratiarum largitione Pater meus respicit in faciem meam filii sui? & hoc spectat ut mihi similis evadas.

*Roman. 8.*

*Omnes debent Christo conformari.*

HOMO. Ita credo firmâ fide, nam quos Majestua tua, ô Pater æterne, præcivit & prædestinavit conformes fieri imaginis filii sui, ut sit ipse primogenitus in multis fratribus. Sis benedictus in æternum, & tu, ô IESV, ô via, veritas, & vita; spes mea, quæ de tenebris facis lumen splendescere. Quid ultra hæreo? quis nisi fatuus deliberare potest, an te sequi lucem inquam in tenebris velit? sed eheu! verè dixisti Domine: Dilexerunt homines magis tenebras quam lucem: quas quidem sic & sic N. dilexi. At nunc abutur ut amem illud abs te omne bonum, & te ipsum nisi propter te: Absit mihi gloriari nisi in cruce tuâ, benignissime Domine mi. Detestor insipientiam meam, & sequar te, ô æterna Sapientia, quocumque ieris Rex meus & Deus meus; scio enim si te sequar, errare nequeo. Qui sequitur te, non ambulat in tenebris, & qui videt & sequitur te, videt & sequitur eum qui te misit.

*JOAN. 12.*

CHRISTVS. Nónne hoc vel nomen tuum, ô Christiane, exigit à te. ut hoc exemplum quod tibi in monte Calvaria monstravi sequaris, quando & cum clamore valido sanguinis mei clamantis de terrâ, & de arâ crucis in vita vi exemplo meo, reipsâ dicens: Qui vult venire post me. tollat crucem suam, & sequatur me, & qui non accipit crucem suam, & sequitur me, non est

me dignus. *Aspira*, ut sup. pag. 8. *Haccine firmâ fide*, vel  
*O Jesu Magister.*

HOMO. Ita Domine, & olim per Apostolum tuum  
 monuisti, dicentem: Imitatores mei estote, sicut & ego  
 Christi. & per alium iterum: Christus passus est pro  
 nobis, vobis relinquens exemplum ut sequamini vesti-  
 gia ejus. O vestigia amabilissima animæ meæ! ô quàm  
 speciosi pedes tui; euangelizantis pacem, euangelizan-  
 tis bona! Utinam irrigem omnia vestigia quæ pro me  
 posuisti, & lacrymis & sanguine meo, & pes meus sit in  
 viâ rectâ, ut inveniam te. Wencellai tui vestigia nivi  
 impressa insistentis iisdem & sequentis, non plantas  
 tantum, sed totum corpus sacro calore recreavit: quan-  
 tùm magis tua, Redemptor mi, cùm sis ignis ardens, &  
 non deficiens? Scio igitur nos vocatos omnes ut te se-  
 quamur, sed cheu! quàm multi declinaverunt etiam  
 religiosi, qui tamen ad hoc vocati ut te propiùs imi-  
 tentur: & perfectionem sequantur.

CHRISTVS. Exemplum quidem dedi vobis omni-  
 bus, sed maximè Ecclesiasticis & Religiosis, ut quem-  
 admodum ego feci, ita & vos faciatis. Age actiones tuas  
 à manè in vesperam considera, meisque compone, &  
 vide an exemplum meum sequaris. Non enim feci ta-  
 liter omni nationi, & judicia mea non sic, ut tibi mani-  
 festavi eis. *Haccine vera*, ut sup. pag. 7.

HOMO. Operuit confusio faciem meam, dum Te  
 video viam; & meditor & lego, me hortor ut ineam.  
 Quid hoc dementiæ? viâ planâ, & rectâ relictâ, mille  
 præcipitiis & periculis scatentem, sic N. sequi, & inire?  
 O Deus meus! ô bonitas! miserere & trahere me post me,  
 ut sequar te; etsi enim viam ad perfectionem, ad beati-  
 tudinem infinitâ bonitate tuâ ostendas, ecce quàm tar-  
 dè cheu sequor: etsi, ô lux mea, appareas mihi in tene-  
 bris meis, non confugio ad te, non uti debeo, sequor  
 te. Trahe igitur me, & sequar quocunque ieris, sive in  
 vitâ sive in mortem. paratû cor meû, paratû cor meum.

Bbb 2

CHRISTVS

CHRISTVS. Veni & sequere. neque pigebit in æternum; sed qui mihi ministrat, me sequatur, & ubi ego sum, illic & Minister meus erit, & sedebit mecum in throno meo. Verùm regnum meum vim patitur, & violenti rapiunt illud. Vis ergo tibi, vis illi sic vim facere, & in terribili iudicio audire dulcissimum verbum. Venite, possidere regnum, quod vobis paratum est constitutione mundi?

HOMO. Volo, volo, gratiâ tuâ, bone IESV, & cupio atque amo te toto corde meo.

*Christus Rex  
& Dux no-  
stus.*

IESVS. Ecce hoc est consilium meum, postquam princeps tenebrarum, & mundi huius infinitas prope animas seduxit, & diluuium peccatorum inundauit, cupio, ut fortis armatus, diripere spolia impiorum, & animas perditas querere, & salvas facere. Ad hoc descendit ut gigas ad currendam viam. Vis militiæ me nomen dare? si dederis, dabo tibi edere de ligno vitæ, & accumbere ad mensam meam in regno Patris mei, & Regem te constituam in sempiternum. Credis haec ita sese habere? quid ergo moraris contemptum tu pro honore mundi amplecti, paupertatem pro diuitiis, mortificationem pro deliciis, idque tantum ad incrementum vitæ pro longâ, & felicissimâ æternitate? Filii mi, putas si mundus, aut Rex quispiam tantum offerret militi suo, cum pauci sequerentur; præsertim si eundem victum, vestitum, habitationem etiam vilissimæ caloni offerret, quo ipse Rex uteretur, uti me facere vides?

*Miles mundi no-  
con-  
fundit.*

HOMO. Omnes equidem cum sequerentur, immo parvo stipendio magna, & innumera pericula, ac labores adit; atque ad eum deposcit miles; & me pudebit Domine IESV sequi Rex regum, & Domine dominatum? mansuetudinem inquam, charitatem & humilitatem, ac patientiam: præsertim cum assidue sonet vox tua in auribus meis, vox inquam illa tua dulcis: Discede à me, quia mitis sum, & humilis corde.

**JESVS.** Quid ergo moramini; ego ante vós ibo, & *Isaia 45.*  
 gloriosos terræ humiliabo: Neque est, quòd mortem  
 timeas: Qui enim manducat meam carnem, & bibit  
 meum sanguinem, habet in se vitam æternam. Si fa-  
 mem quis timeat, ego sum panis, qui de cælo descen-  
 di, ut manducet me, & vivat propter me. Si sitim, ecce  
 sanguis meus verè est potus, quem ex nunc tibi offero  
 paratum, *hic affectum gratitudinis excita.* Denique, quòd  
 Apostolis, hoc tibi dico: Quando misi vos sine saccu-  
 lo, aut perâ, numquid aliquid defuit nobis? Responde-  
 runt, nihil. At forsitan non potes onus militiæ meæ fer-  
 re verum nonne dixi: Venite ad me omnes, qui labo- *Matth. 12.*  
 ratis, & onerati estis, & ego reficiam vos? neque tan-  
 tum portabo onus vestrum, sed etiam vos uti ovem per-  
 ditam libenter tollam in humeros meos. An credis  
 hæc? Ergo sicut me videtis, & vidistis facere, sic facite:  
 Et certò scias, falli nequeo, neque fallere. Dixi, & ita est:  
 Jugum meum suave est, & onus meum leve.

**HOMO.** Credo Domine, adjuva incredulitatem  
 meam: credo, & cum alicui militare & servire mihi *Marc. 9.*  
 necesse sit, quem præter te eligam Regem regum sa-  
 pientissimum, quique nôrit reprobare malum, & eli-  
 gere bonum? Te potentissimum, & fortissimum Du-  
 cem, & quòd super omnia me trahit, mei amantissi-  
 mum. Filioli, exclamat Apostolus tuus, quos iterum *Galat. 4.*  
 parturio, donec formetur in vobis Christus, volens nos  
 conformare tibi. Pone igitur te, ut signaculum super  
 cor meum, sicut signaculum super brachiû meum, ut  
 qui portavimus imaginem terreni, jam portemus & *1. Cor. 15.*  
 celestis. Tuam Christe Jesu sanguine tuo coloratam.  
 Denique Christianus sum immensâ, & incompre-  
 hensibili gratiâ tuâ. Confiteri igitur te volo coram ho-  
 minibus ô æterna, & amabilis mihi veritas, neque dili-  
 gere te verbo, sed opere, & veritate. Tu pro me mor-  
 tuus es, ut tibi vivam, pro me natus, ut tibi renascar,  
 pro me circumcisus, ut abnegem circumcissione non

*Confiteri  
 Deum factum  
 oportet.*



*Ioan. 2.*

manu factâ impietatem, & sæcularia desideria, & for-  
briè, justè, & piè vivam in hoc sæculo. Cupio ambula-  
re sicut ambulasti, & sanctificare me sicut tu sanctus es,  
& quantum possum gratiâ tuâ perfectus esse, sicut Pe-  
ter noster cælestis perfectus est.

*Paupertas  
Christi  
omnibus a-  
manda, &c.*

JESVS. Ne cuncteris igitur, aut deliberes. Ego sum  
via, & non est alia, & cum essem dives, propter te  
factus sum pauper, ut non haberem tibi caput reclina-  
rem, nempe ut tu aliquando conversus saltem animi  
ralis fores; qui enim non renunciat omnibus quæ po-  
sident, attende iterum, & iterum, qui non renunciat  
tem animo, paratus id re facere, cum iussero, non po-  
test meus esse discipulus. Similiter factus sum obedien-  
tissimus usque ad mortem, mortem autem crucis, cibisque  
meus fuit facere voluntatem Patris mei, ut tu Superis  
tibus tuis obsequens fores. Ego delicias carnis & con-  
moda ab ortu meo usque ad extremum vitæ abnegavi.  
Ego inquam, sapientia æterna, & intellectus infinitus  
ita judicavi, ita judico. An qui verbo non auderes  
sequi me, facto velles, & deserere me, & sequi hostes  
tuos? me relinquere veram vitæ viam, & abire in pre-  
ceps, & ambulare vias difficiles, & quod caput est, im-  
meabiles? At forsitan difficilè est me sequi.

HOMO. Facile est, quidquid gratiâ tuâ præstare po-  
simus; suaviter enim equitat, quem gratia tua portat  
& erubesco, qui video sæculi filios ambulare vias ad  
difficiles, tot adire pericula, seu mercatores, seu milites  
sint.

*Sap. 5.*

JESVS. Et quo quæso præmio in hoc mundo, ubi  
transeunt omnia tamquam umbra, & tamquam nubes  
cujus non est reperire vestigium in fluctibus? Et quid  
dubitas, num me sequi possis? Putasne, filii mihi, invitati  
illudam tibi? nonne sæpius in clamavi, & jam præsentem  
tibi dico: Petite, & accipietis; quærite, & invenientis  
pulsate, & aperietur vobis. Ergo omnia possibilis sunt  
credenti, & me amanti; neque puto, sequi pudet, quod ego

*Facile Deū  
sequi.*

ego pravi, neque pigere potest; si memineris, quod ab hac via vita, vel mors dependeat sempiterna.

HOMO. Habeamus ergo, o anima, fiduciam in introitu Sanctorum in sanguine Christi, quam initiavit nobis viam novam, & viventem per carnem suam, & sacerdotem magnum, super domum Dei accedamus cum vero corde in plenitudine fidei. Ecce enim venit, ecce venit, & nobiscum est; ergo, sive comedimus, sive bibimus, sive quid aliud agimus, omnia ad gloriam ejus & exemplar ejus velut presentis faciamus. Ipse radix bonorum justitia nostra.

Hebr. 10.

## EXERCITIVM.

**O**JESV Magister bone, Pastor bone, Dux meus, & notus meus; vis me similem esse tibi, o Rex regum, me tibi? cur, obsecro te, spectavit huc omnis labor tuus, & dolor & afflictio tua, ut bene mihi esset? an idcirco Sanctis electis tuis communicas dolores & vulnera tua? ideo hominem vere induisti ut ego te? ideo de celo descendisti, & ad me incomprehensibili dignatione toties declinas, ut eo ascenderem, & sim unus tecum, & similis tibi? adeo formam servi accepisti, & eheu pro me colonus factus es super terram, ut ego haeres & civis essem regni tui? verane hac & certa & indubitata, & piget sequi? Nonne nos agricultura tua sumus & tua adificatio, tu verò fundamentum & lapis angularis, nunquid in te verà petrà ideam fecisti mihi, & descripsisti sanguine tuo, infinità charitate tuà? utinam superedificem non lignum, fenum, stipulam, sed aurum, argentum, lapides preciosos, & honorem te, & delecteris super me, & discam à te mitis esse, & humilis corde. Et utinam nihil sciam nec scire ultra velim nisi te, dulcissime JESV, & quidem crucifixum. Hac est enim vita aeterna, o Pater aeternae, ut cognoscamus te Deum verum, & quem misisti JESVM Christum, & sequamur vestigia ejus. Induo ergo te, & cupio imitari, Domine JESV, & respicio in te unum consummatorem & remuneratorem, & amantiissimum Redemptorem, & currere cupio in viam mandatorum tuorum, ut perveniam ad te, & amem te toto corde meo. Amen.

1. Cor. 3.

Ioan. 17.

*Praxis pro Imitatione & perfectione  
assequenda.*

1. **S**ÆPE IESVM præsentem intueri, ideoque illud à S. P. N. in initio Meditationum vitæ Christi valdè commendatum. Tum verò id maximè fac, quando actio aliqua instat faciendâ, cogita quomodo eam in hoc sæculo fecerit, aut fieri suaderet, & imitare.

2. Nota autem valdè conducere ad Christi IESV imitationem, amorem ejus sæpè in se excitare hoc pacto, ut in discipulis patet; sine sensu induuntur Magistri mores & amici.

3. In examine etiam actiones tuas, præteritas & futuras examina. Ipse enim est norma vitæ nostræ, & Regula ædificii spiritualis. Et quicumq; hanc regulam securi fuerint, pax super illis & misericordia.

*Galat. 6.*

*Gradus ad  
perfectionē.*

1. vitare minima.
2. continere temporalia.
3. passiones domare.
4. cohibere linguam.
5. profectui studere.
6. patientiã servare.
7. internas solidas virtutes exercere.
8. resignatiū esse.

*Nota.*

Quòd si gradus ad perfectionem habere velis, ecce tibi Primus est, postquam à peccatis gravioribus purgatus es, mi prima etiam diligenter devitare. ac modestiam colere. Secundus, temporalia contemnere, & saltem affectu abnegare. Tertius, passiones, maximè appetitum honoris, refranare. Quartus, linguam cohibere, maximeque à detractione & vanitate coëcere. Quintus, puritatem cordis, & cogitationum frequenti renovatione quarere: ac zelo profectus quotidie ad anteriora se extendere & actiones suas, ac cogitationes suas perficere. Justorum enim semita, quasi lux splendens, crescit usque ad perfectam diem. Sextus, patientiam servare in adversis, & gaudium existimare cum in varias tentationes inciderimus: patientia enim opus perfectum habet. Multi enim in oratione, regularum observatione seduli, modesti, quieti; sed si tangas montes, fumigabunt. Septimus, virtutes interna frequenter exercere, maximè solidas; intentionis puræ, charitatis, zeli, & præsentia Dei. Octavus, unum atque idem velle cum Deo, de nullo queri, sed æquabilitatem animi atque tranquillitatem, inter tot rerum vicissitudines conservare. In his te examina, atque in singulis excitatâ contritione, propone hos gradus ascendere, & gratiam pete. Est enim gradus ad virtutem primus, ejus desiderium.

*Dignatus es, ut supr. pag. 10.*

*Regula*

REGVLA brevis, seu via ad perfectionem, respondens petitionibus orationis Dominicae. Hanc meditando expendere iuvabit.

PRIMA. Pater noster qui es in caelis. Et contemplaris in omni loco bonos & malos. da mihi, obsecro quod jubes, ut ambularem coram te & sim perfectus sicut tu Pater meus caelestis perfectus es. *Haccine vera*, ut sup. pag. 7.

*De praesentia.*

*Gen. 17. Matth. 5.*

Secunda. Sanctificetur nomen tuum. Utinam, utinam o bone IESV, in illo flectatur omne genu, & ab omnibus omnia pura intentione fiant in nomine tuo ut in omnibus honorificeris, dulcissime Redemptor mi, atque exemplo & verbo omnes traham ad te omne bonum, ego servulus tuus.

*Intentio pura, fides & zelus animarum.*

*Credo tibi*, ut sup. pag. 7.

Tertia. Adveniat regnum tuum. Ad hoc enim nati sumus, sed quod majus est, sic N. redempti a te, ut terrena haec despiciamus, & conversatio nostra in caelis sit, & tecum sit, qui non dignaris omni hora audire me in conspectu Sanctorum tuorum, neque oblivisceris mei victi & improbi servi tui in gloria tua. Quid ergo me separabit a te?

*Contemptus rerum humanarum & spes.*

*Aspira*, ut sup. pag. 8. *Haccine firma fide* ibidem.

Quarta. Fiat voluntas tua sicut in caelo & in terra. In corpore & anima mea. Nonne enim omnes Angeli, omnes creaturae obediunt voci tuae? quanto magis ego vermis & non homo, faciam voluntates tuas, quas aut inspiraris mihi, aut per Superiores indicaris: quid enim mihi est in caelo, & a te quid volui super terram? *Credo tibi*, ut sup. pag. 7.

*Resignatio perfecta & charitas.*

Quinta. Panem nostrum quotidianum da nobis hodie, o benignissime IESV, non tantum supersubstantialem, corpus tuum, sed meditari dolores tuos, atque eloquia tua, dulciora super mel & favum. Verè enim non in solo pane vivit homo, sed de omni verbo quod procedit de ore tuo, favius enim distillans labia tua. Da mihi omnem sollicitudinem in te projicere, dixisti enim & credo quod haec omnia adjicientur nobis.

*Meditatio rerum divinarum.*  
*Psal. 18. Matth. 4.*

*Aspira*, ut sup. *Haccine firma* pag. 8.

Sexta. Et dimitte nobis debita nostra plurima, sicut & nos dimittimus debitoribus nostris. Numquid enim oportet alterum alterius onera portare, & sic adimplere legem tuam? ille enim verè perfectus est, qui ad imperfectionem proximi impatiens non est. O quam suavis est Domine spiritus tuus; Ecce si ego demisero denarium unum proximo meo, talenta plurima dimittes mihi ex infinita misericordia tua, & te mihi dabis ex immensa charitate tua. *Haccine vera*, ut sup. pag. 7.

*Dilectio proximi etiam inimici.*  
*Gal. 6. Gregor. Perfectus quis sit.*  
*Sap. 1. Matth. 18.*

*Fortitudo in  
tentationi-  
bus ac sui  
mortifica-  
zione.*

*2. Cor. 3.*

*Psal. 50.*

*Dissidentia  
sua ac confi-  
dentia in  
Deo.*

Septima. *Et ne nos inducas in tentationem.* Tentatio enim est vita hominis super terram : sed concede ut resistam, sic ut possum per gratiam tuam : fidelis enim es, nec fines me tentari ultra id quod possum. Tribue etiam ut mortificatione illam præueniam, & iudicia hominum contempnam, & momentanea æternis, coram te iudice meo, & patre amantissimo non præferam. *Credo tibi*, ut sup. pag. 7.

Octava. *Sed libera nos à malo* culpæ & pœnæ, nihil enim verè absque tua providentia accidit nobis, & nihil possumus ex nobis, sed omnis sufficientia nostra ex te est. Libera ergo me, & charitas Deus meus, sicut & quando tibi placuerit ; & mundum crea in me, atque illud examine frequenti purga velut speculum mundum radios bonitatis tuæ excipiam & dedeam amore tui, & vivam ego jam non ego, vivas autem in me. Christe Iesu refugium meum, & ut securus committam meo tum paternæ providentiæ tuæ in tempore & in æternitate.

*Aspira*, ut sup. pag. 8. *Hæcine firmâ fide, &c.*

*Brevis Regula S. P. Ignatii pro perfectione consequenda sæpè expendenda.*

*Hoc documenta suis Ignatius editi alumnis.*

*Vt methodo parvâ commoda magna ferant.*

*Nulli, vel minimo, quavis ratione repugnes,*

*Cedere te potius quàm superare iuret.*

**P**rimò Adverte quam turpe sit facilè alicui contradicere sive superiori, sive inferiori, sive æquali, semper ego dum liceat, quod aliis probatur tu complectere, & appende, quanto melius te & alios in pace servare, eosque charitate & humilitate superare, quàm à tui amore ac iudicio proprio superati ac perturbati excusando, contradicendo, &c.

*Credo tibi*, ut sup. pag. 7.

*Obsequium studeas præstare per omnia cæcum;*

*Iudiciumq̄, lubens subijce cuique tuum.*

*Luc. 10.*

Secundò, Præstare debes obedientiam cœcam in rebus minimis & parvis. Numquid enim scriptum nosti: *Qui vos audit me audit?* Iudicium verò etiam æqualibus & inferioribus subijcere stude; Omnis enim qui se humiliat exaltabitur. *Credo hæc?* *Credo tibi Domine*, ut sup. pag. 7.

*Non vitia inspicias aliena, & visa retundas,*

*Sed propria accuses, atque patere velis.*

*Tertia*

Tertio, vide quàm turpe curiosè defectus aliorum observare, & semper paratus esto ad excusandum eos: certè nõnne utilius tibi accusare teipsum, & non cū Adamo excusare? Nõnne enim Deus novit insipientiam tuam, & omnes in iudicio eam agnoscent si jam te vanè excuses: ignoscent verò si te accuses? *Aspira, ut sup. pag. 8. Haccine firmà, &c.*

*Quidquid agas, dicas, mediteris, prospice finem*

*Proximo an expediat, complacatq, Deo.*

Quarto, Numquam loquaris, vel respondeas, vel mediteris, vel ambules, vel quid demùm facias; nisi prius cogites an Deo placeat, an exemplo & ædificationi sit proximo: Itas enim coram Deo, cui de omnibus nõnne reddenda severa erit ratio?

*Haccine vera, &c. ut sup. pag. 7.*

*Sit sua spiritui libertas semper; & illam*

*Nec persona potens, causa vel ulla gravet.*

Quinto, Serva libertatem spiritus ubique etiam cum quacumque personà: Christianam inquam tene libertatem ad opposita: & ne eam propter humanum respectum perdas; nõnne enim scriptum, qui hominibus placent confusi sunt, Deus sprevit eos. *Credo tibi, &c. ut sup. pag. 7.*

*Ne facili jungas tibi consuetudine cunctos;*

*Spiritus ac ratio quemlibet ante probent.*

Sexto, Ne sis communis omnibus, neque familiaris, sed consule spiritum, ad quem ipse magis te moveat atque impelat. Inspicias tamen accuratiùs, quales & qui sint motus, qui ad hoc te moveant. Nõnne enim scriptum, Cum bono bonus eris. Et rursus, Vir iniquus lætat amicum suum, & ducit eum per viam non bonam. *Credo tibi, ut sup. pag. 7. Prover. 13.*

*Exerce assiduè pia mente & corpore factas*

*Sis populo demens, sic sapiens ipse Deo.*

Septimo, Exerce te continuo actualiter & mentaliter in exercitiis piis, & desidera haberi stultus ab hominibus, ut sapiens habearis à Deo, & ipsum lucrifacias, ut dicere queas: nos stulti propter Christum; stulta enim mundi elegit Deus, suadetque dicens: Si quis videtur inter vos sapiens esse, stultus fiat, ut sit sapiens. *Haccine vera, ut sup. pa. 7. I. Cor. 1.*

*Fac matutino vespertinoq, revolvat*

*Hac studio: & lectum dum petis adde preces.*

Octavo, Hoc inquit erit tuum studium. Mane & Vespertim cum ibis cubitum, ista percurrere.

*Exer.*

*Exercitium seu descriptio viri spiritualis, ad quam te examina.*

**P**oteris autem utiliter id facere, si singulis notis subijcias hanc interrogationem. An talis sum? & cur non? An talem me vult Deus, & esse possum? quid igitur faciam? firmumque adde propositum, & libet. *Credo tibi*, ut sup. p. 7.

Vir spiritualis hominem interiùs ordinat: Exteriùs ornata rebus turpibus cohibet, sermones rectos & utiles amat: non pueriliter in risum effunditur, non altè loquendo clamat, modestè incedit: aliorum facta non curiosè inquirat, admonitiones hilari vultu recipit: errori aliorum facilè condonat, laudibus non extollitur, detractatione non deicitur: interroganti facilè leniterque respondet, contendenti facilè cedit: patienter alios audit; in omnibus ædificare fratrem studet. Rari est & gravis sermonis: in cibo & potu parcus & sobrius: Compositus in vultu & verbis, filius veritatis, oculos habet dimissos, & simplices: puritate candidus, humilitate insignis: obediens promptus, patientiã præmunitus, in oratione assiduus, in fide stabilis, in opere diligens, in abstinentiã rigidus, in moribus exemplaris: in conversatione gratus: in verbis affabilis, in dando liberalis, amicis fidus: inimicis benignus: Deo resignatus: sibi mortuus, mundo crucifixus: omnibus omnia, ut omnes lucrifaciat.

## CAPVT III.

PRÆFATIO *in vitam Christi.*

**V**ITA Domini nostri IESV verè lignum est vitæ & medicamentum animæ nostræ. Quam verò sit utile eam meditari, audi Bonaventuram: Super omnia (ait) spiritualis exercitii studia hoc magis necessarium, magisque proficuum credo, & quod ad excelsores gradum producere possit. Meditatio hæc, inquit, roborat mentem contra vana & caduca, fortificat contra tribulationes, docet circa gerenda, &c. Vitã igitur Domini nostri digressi in puncta, eaque verbis S. Scripturæ conflata. Vix adjeci ullas considerationes, scientibus enim Scripturas loquor: Indicavi dumtaxat quinam affectus excitari queant, unde si opus fuerit extendi & intendi. Huc spectant quæ de affectibus supra habes

*Quam utile  
meditari  
vitam Iesu.*